

Habitat passim in aridis regni Tunetani.

RADIX perennis, crassitie pollicis, apice e ramentis foliaceis præteriti anni aridis fetosus.

CAULIS herbaceus, erectus, semipedalis, simplicissimus, sæpe basi ramo uno vel altero, altitudine fere caulis, teres, basi apiceque farinaceo-tomentosus, inferne foliatus.

FOLIA sessilia, lineari-ensiformia, sæpe tripollicaria, obscure nervosa, utrinque farinaceo-tomentosa, carinata, infima utrinque attenuata, superiora basi dilatata.

Flos terminalis, solitarius, magnitudine Scorzonerae humilis.

Pedunculus sub flore vix incrassatus.

CALYX imbricatus, radio duplo brevior: *foliola exteriora* ovata, acuminata; *interiora* ovato-lanceolata, omnia margine membranacea,

COROLLA pallide rubra.

Anthera fusca, pollen croceum.

Stigmata ferruginea.

Pappus plumosus.

SCORZONERA foliis linearibus dentato-pinnatifidis glabris, calycibus apice albido *resedifolia.*
cartilagineis, caule erecto.

Chondrilla sicula Tragopogonoides maritima. BOCCON. Sic. pag. 13. tab. 7. fig. A.
& C. A. bona.

Scorzonera resedifolia foliis obtuse dentatis, calycum apicibus tomentosis. LIN.
S. V. pag. 710.

Leontodon mucronatum. FORSK. Descr. pag. 144.

Copiose ad littora maris in arenosis circa promontorium Carthaginis legi.

RADIX fusiformis.

CAULIS erectus, simplex vel ramosus, pedalis & ultra, teres, glaber, uti tota planta, striatus, purpurascens.

FOLIA plurima radicalia, caulina pauca, alternatim inæqualiter dentata: inferiora versus medium folii dentato-pinnatifida, dentibus omnibus mucrone albido cartilagineo terminatis.

PEDUNCULI superne, subramosi, pauci, basi & in medio foliolis sagittatis, integris. *Pedicelli* squamosi, uniflori.

FLORES ratione specierum reliquarum parvi.

CALYX: *foliolis* glabris: extimis ovatis, intimis lanceolatis: omnibus obtusis, squama cartilaginea terminatis.

Calycum apices nunquam tomentosos inveni, constanter autem apice cartilagineo albidos uti etiam apices dentium foliorum.

SCORZONERA foliis inferioribus lyratis laciniis oblongis, mucronatis, superiori- ^{9-10.} *calcitrapifolia.*
bus pinnatifidis.

Scorzonera orientalis, foliis calcitrapæ, flore flavescente. TOURNEFORT. Corol.
pag. 36.

Scorzonera pratensis, foliis laciniatis glabris. BUXB. Cent. 2. pag. 27. tab. 22.

Tragopogon reseda minoris folio, supinum. BARREL. Ic. 800.

Scorzonera resedifolia RETZ. Obs. Bot. Fasc. 3. pag. 42.

Legi passim in regno Tunetano.

CAULIS erectus, herbaceus, pedalis, crassitie pennæ anserinæ, striatus, scaber, subramosus. *Rami* structura caulis, patentes.

FOLIA glabra, ad radicem copiosa, palmaria, in petiolum desinentia, lyrato-pinnatifida: lacinia alternæ, subrotundæ vel oblongæ, sæpe irregulares, mucronatæ, terminalis reliquis triplo vel quadruplo major; superiora caulis remota, pauca, pinnatifida: lacinia lineari-lanceolatæ, margine scabræ.

PEDUNCULI terminales, solitarii, tri-vel quadripollicares, subfulcati, uniflori, superne folio parvo subulato integro.

CALYX magnitudine Sc. humilis: *foliis* ovatis, attenuatis, carinatis, plerumque glabris, apice valde tomentosus, albidis, interdum nudis.

COROLLA sulphurea.

Pappus plumosus.

Difficultatem extricandi plantam, quam sub nomine Scorz. refedifoliae intellexit III. a LINN., jam prius conquestus fuerat Cel. RETZIUS in Observ. Bot. Fasc. 3. pag. 42. Visis variis plantis, specie tamen ut credo diversis, non minus cum differentia Scorz. refedifoliae LIN. convenientibus quam cum Synonymis a viro laudato allatis, diu dubitavi quænam ex binis Scorzonæ a me hic descriptis esset genuina ejus refedifolia. Sc. calcitrapifolia mea convenit cum Synonymo BARRELIERI in Specieb. plant. LINNÆI citato, calycumque apicibus plerumque tomentosus; a Chondrilla vero ficula BOCCON. ficul. tab. 7. fig. 4, in Mantiss. LIN. ad Sc. refedifoliam relata, plane aliena est. Altera vero refedifolia a me hoc loco sic nominata, in omnibus consentit cum BOCCONIS figura, nisi quod Bocco plantam justo minorem sistit, minime vero congruunt apices squamarum calycis cum differentia LINNÆI, in mea enim nunquam tomentosi inveniuntur, semper vero albedo-cartilaginei, ut in Speciminibus numerosis observavi. Ambæ vero a GOUANI Sc. refedifolia diversa videntur. Etiam si sic LINNÆI planta dubia videatur, potius tamen refedifoliam LINNÆI ad meam retuli ob descriptionem foliorum quæ melius cum refedifolia mea quam cum calcitrapifolia consentit, denique quod specimen refedifoliae herb. LINNÆANI, quantum recordeor, eadem planta est ac nostra.

Scorz. calcitrapifoliam distinctam esse speciem, nec varietatem Sc. laciniatæ non dubito, quotquot enim hujus vidi specimina, tam cultæ quam spontaneæ, lacinia foliorum semper lineares fuerunt, nec ut in calcitrapifolia oblongæ, totus etiam habitus plantam omnino diversam monstrat.

10-11. *bre-* **SCORZONERA** foliis integris pinnatifidisque, caule tomentoso subaphyllo unifloro. Tab. XLIV.
vicaulis.

Legi in summitate montium ad Hamamelif Tuneti.

RADIX perennis, crassitie pollicis.

CAULIS herbaceus, digitalis vel palmaris, erectus, simplicissimus, tomentosus, incanus, sub flore parum incrassatus.

FOLIA *radicalia* copiosa, caule sæpe altiora, tomentosa, ætate supra nuda, lanceolata, indivisa, sæpe in medio dilatata & pinnatifida; laciniis alternis, patentissimis, linearibus, integris, rarius pinnatifidis. *Caulina* 1-3, plerumque integra, rarius dente vel lacinula una alterave divisa, linearia, attenuata, pollicaria.

FLOS terminalis, solitarius, magnitudine Sc. hispanicæ.

CALYX imbricatus: *foliis* latis: *exterioribus* ovatis, acuminatis: *interioribus* lanceolatis, obtusis; omnibus pubescenti-subtomentosis, versus marginem fuscis, præsertim exterioribus, apicibus lateribusque valde tomentosus, inferne membranaceis, albis.

COROLLA calyce dimidio longior, sulphurea,